

沈乃文主編

明別集叢刊 第二輯

第十九冊

黃山書社





國家出版基金項目
NATIONAL PUBLICATION FOUNDATION

「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第十九冊

黃山書社



(明)張縉撰

張南湖先生詩集四卷附錄一卷

明嘉靖三十二年張守中刻本

張南湖先生詩集序

同郡射陂朱曰藩撰

吁三百篇以來聲音之道變也極矣是故國風散而離騷興離騷歇而五言作五言極而六朝麗六朝工而唐律盛唐律慢而宋詞填宋詞度而元曲靡是故魏晉以還歷代制作祇郊廟讌饗樂章稍存雅則自餘閑情宮怨之什焚如矣然美人託詠於顯王宓妃取論於賢臣使其哀音柔弄果足以達誠所天一旦聆之爲之泫然回心焉是故亦諷諫之一端也可盡少哉吾郡南湖張先生弱冠作

無題詩及香奩雜詩數十首一時盛傳以爲淮海才子乃去年秋先生嗣子惟一刻先生全集成持過涇上以序見屬集自弘治辛酉迄嘉靖庚子編年分類凡四卷各以其時長短句附諸後予讀之竟歎曰先生直才子哉先生固詩人之雄也昔元稹之歌詞宮中傳誦號爲元才子及觀長慶集其可傳者殆不止是先生以奇才卓識不獲早售於時優游田廬輟耕之暇紆寫心曲聊復爾爾乃其集入楚後詩格更奇辭更古旨趣更沈著方將超西崑之畛域闢少陵之堂室電激炎騰軒豁一世

當日傳者徒見其杜德機而止爾然予聞新安程方岳曰者奇士也與先生善每醉後歌先生詩曰野性素於時事薄羈懷翻共酒杯親又曰黃金易鑄爐中像白玉難開璞裏心輒爲之泣下不能已吁若程公者何邪非有感於託諷之深如此邪此固可以占先生才情之妙矣或問先生長短句予曰詩餘圖譜備矣先生從王西樓遊早傳斯技之旨每填一篇必求合某宮某調某韻第幾聲其聲出入第幾犯務俾抗墜圓美合作而出故能獨步於絕響之後稱爾來少將予每欲擇其詞之精者合少游詞成一帙以遺鄉人爲詞學指南第多事來未遑耳先生名縉字世文別號南湖起家武昌倅擢守光州在兩郡咸有惠政其詳具載顧按察所作墓志中予不文勉荅惟一之意如此嘉靖壬子仲春吉

張南湖先生詩集卷之一

弘治十四年至十八年

五言絕句

後學孫張袞編輯

春曉

簷樹影幢幢。風吹天欲曉。幽人有所思。欹枕聽春鳥。

有憶

君倚庭前樹。我登江上樓。多情千里月。應見兩人愁。

梅

南湖詩集

卷之一

一

晴日前簷下。梅開滿樹香。東風吹粉落。相憶壽陽人。

鏡湖

昔聞鏡湖勝。今見鏡湖人。何時脫塵鞅。同泛鏡湖春。

春

中秋雨

獸坐挑燈蕊。寂寥堪斷魂。如何明月夜。風雨掩重門。

臺上

烟火連千井。風雲接四鄰。重來臺上望。已是卅年人。

人

金陵思母

我生如此大。未嘗離慈闈。望彼邗溝樹。一片白雲飛。

五言律詩

清夜

美人有所思。清夜撫箏篴。子亦鍾情者。聞之不盡愁。雲飛巫峽曉。鴈唳楚江秋。淒淒聽未足。明月下西樓。

早秋

南湖詩集

卷之一

二

露卧睇層霄。天空氣沈寥。盈盈銀漢轉。歷歷素綸飄。倚杖僊蹤杳。乘槎海路遙。百年多感遇。淚盡鳳凰簫。

七言絕句

春詞

玳珠簾下小樓前。嫩嫩春風淡淡煙。何處郎君騎白馬。醉穿楊柳墜金鞭。

秋詞

黃落空庭知已秋。彩雲夢斷思悠悠。從今莫向雕欄倚。一葉芙蓉一葉愁。

睡起

睡起楊花滿繡牀。金釵墜。總慵粧。青苔小院無人跡。惟有幽花。笑夕陽。

春閨曲

一庭細雨作春寒。錦瑟銀箏總倦彈。相對闌干渾忘寢。小窓紅燭漏聲殘。

春思

楊柳毵毵拂地垂。困人天氣倚闌時。無端貪看雙蝴蝶。不覺王孫半餉窺。

效韓致光二首

南湖詩集

卷之一

王

池上低頭立片時。春風裊裊袖羅垂。偶然行過秋千去。溜下金釵自不知。

落花天氣春情困。垂柳門墻日色曛。深立綉簾人不見。輕風吹露鬱金裙。

陌上二首

約伴尋芳陌上來。東風日暖百花開。靚粧綽綽態誰家。女笑向垂楊闌草間。

粉牆高柳控秋千。柳外雕鞍醉少年。蛺蝶多情閒不得。雙雙飛過畫樓前。

平仄體

落日返照古木老。春風時來花枝香。月上小閣客未睡。誰知今宵相思長。

斜陽

珠簾冉冉下斜陽。強步南園更覓芳。柳絮上天翻白雪。春愁還屬謝家娘。

閨怨

鸞鏡春來減玉容。背人常是怨東風。桂堂西畔凝情立。一樹梨花烟雨中。

七言律詩

寓意

南湖詩集

卷之一

四

海上曾聞泛斗槎。碧雲銀漢路還賒。花陰夢覺風微裊。樓上吟成月半斜。難把螺盃消世慮。翻嫌蠹簡誤年華。秋來秋去無窮事。佇立西風看菊花。

擬無題四首

自憐花枝小院東。羅衣偏快露華濃。烟霞洞裏渾虛度。雲雨山前亦暫逢。鴛鴦枕夢珠幌月。鳳簫吹斷玉樓風。酒闌更憶藍橋路。江草巖花處處同。

二

星河淡淡夜沉沉。却恨人生有寸心。屏上瀟湘猶繞翠。枕邊鸞鳳暗銷金。辭殘蓮葉魂難斷。愁損菱

夜夢不禁欲把此情傳綠綺滿庭芳草自知音

三

羅襪盈盈笑語來粉牆西畔牡丹開金釵賭博當
窓暹統扇題詩信筆裁說說青禽能寄信豈知玄
鳥解憐才難將腋下生雙翼何處簫聲月滿臺

四

畢竟心期是浪猜江流日夜共縈迴鴛鴦沙浦能
相往鸚鵡金籠不可回錦帕重封青玉案銀燈淺
照碧螺盃休嗟弱水無梁渡青鳥明朝有信來

湖上二首

南湖詩集

卷之一

五

遠夢依稀萬仞山烟波無極自愁顏似聞吹笛孤
雲外未得乘槎一水間日永祗應親錯落月明誰
伴美游溪碧霄飛鵲多如雨不帶仙人一字還

二

綠楊湖上挽長條正見鴛鴦浴晚潮愁逐風花來
滾滾夢隨烟水去迢迢標清合住紅蓮幙地迫宜
吹碧玉簫自是天河無去路人間空望鵲成橋

雜詩五首

楊柳津頭草色新若為離思正逢春雕鞍上勒愁
中客錦瑟瑤笙夢裡人對花常下淚倚欄聽

鳥最傷神多情莫恁偏牽挽百丈游絲是此身

二

心逐行雲一向賒玉樓愁絕抱琵琶綠波細雨傷
南浦紅樹春風夢若耶自把芳心憑柳帶誰將遠
意寄蘋花昨朝半醉踈簾外獨立沉吟到日斜

三

瘦怯春寒不上樓傷春心緒甚悲秋綠窓中酒年
年病芳草懷人日日愁未許幽情通尺素却教痴
夢戀空篋何時得過青龍寺借取山簫竹葉舟

四

南湖詩集

卷之一

六

勝日郊原百草芳紛紛羅綺競春光桃花日照青
蛾如楊柳風吹白馬郎暖醉流鶯啼軟懶香迷蛺
蝶舞偏狂無端又過經遊處腸斷秋千在粉牆

五

紛紛擾擾幾時平一上心來即自驚洞裏烟霞惟
有夢人間花月杳多情誰憐暗泣傷孤影自分長
嗟過一生綠髮漸疎春又老空教啼殺後園鶯

寒食病酒

漠漠春寒陰復晴垂楊門巷近清明空懷歲歲王
孫念無柰萋萋芳草生小雨綠窓人病酒微風朱

銷燕多情鶯花明日江村路綵索紅毬總倦行

七夕有懷呈友人

碧天雲意晚綢繆銀漢飛鳥送客愁七夕有懷尋
舊約十年多病負新秋已看劍氣知龍窟猶恨簫
聲隔鳳樓我是張騫君信否乘槎應得斗宮遊

宮詞迴文

東窓小立暗銷魂往事傷時淚滿襟紅燭剔殘更
寂寂玉釵敲斷信沉沉慵粧曉鏡羞眉小懶調春
琴怨思深重鎖獸門朱院靜空房冷落翠屏金

少婦詞花名

南湖詩集

卷之一

七

夫婿青年拜紫薇凌霄意氣有誰違玉簪極髮翻
嬌重金盞舖筵未足稀碧沼鴛鴦常並宿画欄蛺
蝶稱雙飛合歡窓下無餘事閒剪春羅製舞衣

寄陳蓋之

悠悠遠別又經時霜遍長郊百草衰水國夜寒聞
鴈早山程歲晚得書遲塵生陋巷人常少門掩閒
庭日自移莫怪近來疎濶甚寄君兼乏隴頭枝

客懷

客京華百事慵卷書高卧已經旬鶯花時節
多病風雨軒窓欲送春野性素於時事薄

共酒盃親何時結得湖邊屋閒看煙波來往人

村居

先世有田湖水西桑林茆屋足幽棲一湖水色遙
當戶八月稻花垂清畦社宴隣翁開濁酒晚炊村
婦煮黃雞老農莫道吾非侶終欲移家共一溪

歷城沈老日言嘗稱貸先公思其寬惠舊

業既凋見於感泣

荒村老翁頭如雪扶杖凄然淚滿胸爲說而今非
往歲却嗟見我即先公家算利無兼兩得夷
租夏接冬桑柘蕭條雞犬散不知何日見年豐

南湖詩集

卷之一

八

病起賞菊

霜落湖天秋氣高菊花招客歡新醪喜逢玉友開
三徑未怕金英笑二毛細嗅寒香知病去朝吟料
日覺詩豪重陽未過餘清興乘暇來吟定幾遭

五言古詩

感述呈王陽明

茫茫原上草歷歷壤中菜春風一披拂燁燁生光
榮我生百無能承志窮一經云胡不自勵蹉跎日
沉淪俛懷病瘵子賤技可足云凝神以繫院亦得
垂其名造物實匪私

踽空江濱盛年忽已壯嘆息將何成

七言古詩

觀田家嫁女歌

皎皎二八田家女。野花滿頭初上髻。自小無娘便
結親。詐與同村東家子。生長茅簷無粉脂。布木自
有天然姿。今年十月農事畢。正是夫家來娶時。夫
家昨日來下禮。蒲家接得齊歡喜。黃鷄茁茁白鷄
肥。鰾鰾村醪濁。浮蟻大鴨雙雙頭。背光小鴨雙雙
翼。尾黃橫擔挑來屋角下。連聲叫起隣庄阿娘。
促粧不暇睡。燈前勾得鮮紅被。送親盡是村中人。

南湖詩集

卷之一

九

扶携出門皆爛醉。嫁到夫家拜舅姑。共喜新婦良
而妹夫郎。雖不知書字。青春正與年相相。乃知人
生有真樂。貧富不能分。厚薄方今王化盛。桃夭南
國標梅寧有作。嗚呼安得祁鄭徒。爲我寫此朱陳
圖。

雜體

賦得婉婉蘭室女

婉婉蘭室女。端麗顏如雪。綠髮耀金珠。霧縠飄香
屑。十三歲。鴛鴦見者稱殊絕。十四織錦綺。衆女讓
巧捷。十五待良媒。對花惜芳艷。二十未嫁人。

游倦

游倦

記入青華洞。回經碧水涯。僊音銷窈眇。雲蓋鬱
參差。刺繡飛瓊導。鸞笙奏玉隨。警高簪白燕。斬疾駕
斑螭。翠帟相縈轉。丹光互蔽虧。月宮深不極。霧閣
秘難窺。瑤草經年綠。珠花滿路垂。恍然迷處所。靈
境至今疑。

遠別離

君不見庭前連理花。同枝並蒂人所嘉。狂風吹落
堪咨嗟。又不見洲上兩鸞鴦。和鳴水食同飛翔。流

南湖詩集

卷之一

十

波蕩散各分張。連理花驚鴞鳥酷似人生。不相保
離堂燈火照熒熒。爲君歌此令人老。我生我生蒲
柳姿。得托同心共結縈。錦衾蘭帳亦云樂。誰信人
間有別離。遠別離。別離情最苦。朱顏綠髮誰爲主。
不惜檀板爲君歌。不惜霓裳爲君舞。歌亦易收聲。
舞亦易迴身。歌殘舞罷上馬去。留之不可空沾巾。
山峩峩。芳高莫陟水瀰瀰。芳深莫測問君此去何
當還。天涯海角。萍雲絮雪。郎不作。草上風吹草一
去無形蹤。願妾不作山。峩峩。山雲飛去何由逢。但
願相如鏡中面。開匣開匣即相見。

今夕何夕 春雨堂記

今夕何夕兮與子逢執子手兮新離裏酒銷陳兮
極權懷願與子兮長相從嗟人生兮如飄蓬惟權
樂兮不可終念後會兮何時再同清歌一曲兮捧
金鍾相對忽忽兮渾如夢中

今夕何夕兮與子會新離情兮增感慨酌金壘兮
極權愛念佳期兮每與意背盛年一去兮不可再
嗟朱顏兮寧久待廣長歌兮繫瑤珞相對忽忽兮
渾如夢中

長短句

南朝詩集

卷之一

十一

蝶戀花

紫燕雙飛深院靜簾枕紗厨睡起嬌如病一線碧
煙紫藻井小鬟茶進龍香餅拂拭菱花看寶鏡
玉指纖纖撚唾撩雲鬢閒折海榴過翠徑雪貓戲
撲風花影

又

並倚香肩顏闔玉髮角參差分映芭蕉綠厭見兵
戈爭鼎足尋芳共把遺編躡閨閣風流誰可續
沉想清標合時黃金屋江左百年傳舊俗後宮只
解呈新曲

題二喬觀書圖

又

新草池塘煙漠漠一夜輕雷折破妖桃夢驟雨隔
簾時一作餘寒猶泥羅衫薄斜日高樓明錦幙
樓上佳人凝倚闌千角心事不知綠底惡對花珠
淚雙雙落

木蘭花

參差簾影展光動露桃雨柳矜新寵閒愁多伏酒
驅除春思不禁花從史倚樓聽徹單于弄却憶
舊歡空有夢當時誤入飲牛津何處重尋聞犬洞

浪淘沙

南朝詩集

卷之一

十一

花下酌芳樽情意交忻歡郎深飲笑即醺私語未
明還側耳不肯重論

回堂春二首

湖鄉一望水雲平斷腸烟靄層城斜陽立盡暮鴻
聲無限淒清聚會春風楚峽相思碧海秦瀛欲
憑遠夢新離情夢也難成

二

午窓睡起倚樓時暮寒輕透羅衣平湖春水送斜
暉望遍天涯舊事碧雲冉冉新愁芳草萋萋流
鶯啼斷綠楊枝消院花飛

柳稍青

簾幃凝寒。霜清。四角。月滿。雕欄。密意憑誰。良宵如
許。可惜。空閒。少年。底事。相開。又辜却。秦樓。楚山。
曲曲。屏圍。昏昏。燈火。坐到。更闌。

二

垂柳。烟濃。鶯兒。哺子。杏萼。飄紅。寒食。初過。秋千。未
折。寂寞。春風。雲波。芳信。誰通。座情。問。殘鱗。斷鴻。
無限。相思。夕陽。窓外。新月。墻東。

謁金門

新雨。後。碧樹。含風。涼透。簾櫳。遠山。開。雨。盡。梧桐。飛

南朝詩集

卷之一

十一

井甃。夢斷。雲窓。月。睡瘦。損不堪。重。簾。外。晚晴。
簷鵲。聞。音書。何處。有。

玉樓春

午窓。睡起。香銷。鴨斜倚。粧臺。開鏡。匣。雲鬟。整。罷。却
回頭。屏上。依稀。描楚峽。支頤。痴想。眉愁。壓。咬損。
纖纖。銀指甲。柔腸。斷。盡。少人。知。閒看。花。簾。雙蝶。狎。

憶秦娥

春睡。後。黃鸝。門外。啼。清晝。啼。清晝。重。楊。花。院。落花
時候。紛紛。時。見。沾襟。袖。惜春。常。是。眉兒。皺。眉兒。
皺。綠陰。芳草。依然。如舊。

長相思

春已闌。花已殘。人在天涯信未還。煙波傷玉顏。
枕又單。衾又寒。清漏迢迢夜度難。空將珠淚彈。

夢令

湖上。煙銷。金鏡。水色。天光。相映。記得。畫樓。前。十二
闌干。同凭。重省。重省。依舊。去年。風景。

浣溪沙

風攪。花陰。舞扇。羅。疎簾。清簾。闌。湘波。隔。牆。誰。唱。竹
枝歌。寶鼎。裏。雲。秋。意。嫩。玉簫。吹。月。夜。涼。多。春。無。

新鴈。信。如何。

南湖詩集

卷之一

十四

生查子

涼颼。動。翠簾。門掩。清秋。夜。不佳。寒蟬。鳴。奈此。孤燈
下。玉人。來。不來。月上。蒲萄。架。猶。自。倚。闌。干。宿。鳥。

都飛罷。

醉花陰

遠岫。輕雲。千萬段。點染。秋容。豔。午枕。酒醒。時。簾捲。
殘陽。影。照。飛鴉。亂。雁。書。不寄。雲間。怨。煙鎖。梧桐。
院。莫道。更多。愁。飲。日。無人。黃菊。都。開遍。

菩薩蠻

星河。昨夜。天。如洗。滿。樓。客。夢。西風。裏。秋水。浸。銀塘。

芙蓉印骨涼。倚闌愁未散。又是新來鴈。莫望短
長亭。歸心正渺冥。

卜算子

素魄照簾櫳。碧瓦翻銀浪。彷彿姮娥欲見人。漠漠
煙如障。夜氣透人涼。別院砧聲響。惱碎離人九
曲腸。好景無人賞。

更漏子

繡簾垂。朱戶掩。風勁鴈聲清遠。屏麝裊。盞酥融。新
燒鑪火紅。恨王貌。調嬌笑。共數幾朝冬。到雲漢。
漠雪垂垂。江天欲暮時。

南湖詩集

卷之一

十五

鵲鵲天

風挾霜威。響竹廊小。窓殘月。正思量。水邊分手。梅
初落。天畔銷魂。菊又香。憑翠枕。擁空床。寒更更
比昨宵長。甫能做。就乘槎夢。不記銀河路。渺茫。

蘭陵王

雨初歇。簾捲一鈎。淡月望河漢。幾點疎星冉冉。纖
雲度林樾。此景清更絕。誰念柔情蘊結。孤燈暗。獨
步畫堂。蟋蟀蛩蛩弄時節。沉思恨難說。憶花底
相逢。親贈羅帶。春鴻秋燕輕離別。擬尋箇錦鯉。寄
將尺素。又恐湘波路隔越。歌殘唾壺缺。淒咽意。

空切。但醉損瓊杯。夢斷瑤闌。御溝曾解流紅葉。待
何日重見。霓裳聽徹。彩樓天遠。夜夜襟袖染啼血。

念奴嬌

畫橋東過。朱門正。一水閒繁花草。獨駕一舟千里。
去心與長天共渺。乍暖扶春。輕寒弄曉。是處人蹤
少。黯黯望極。酒旗那屋斜曛。少年無限風流。有
誰念我。此際情難表。遙想藍橋何日到。暗把心期
自繭。柳陌輕颺。莎汀殘雪。一路風烟。好携壺自飲。
閒聽山。啼鳥。

鵲鵲天

南湖詩集

卷之一

十六

莫怪青銅鞮點斑。年來心曲甚潘安。留連夜醉愁
仍集。零落春眠夢亦單。歌繡枕。憶前歡。潛潛珠
淚不勝彈。五更簷外風和雨。並入羅衾做曉寒。

江神子

清明天氣醉遊郎。鶯兒狂。燕兒狂。翠蓋紅纓。道上
往來忙。記得相逢垂柳下。雕玉珮。縷金裳。春光
還是舊春光。桃花香。李花香。淺白深紅。一一闌新
粧。惆悵惜花人不見。歌一闋。淚千行。

海棠春

探春東郭春猶早。道此際春光更好。殘雪隴頭梅。

微雨溪邊草。東風十里樓臺曉。又領取一番花。
鳥欲抱銀蟾。彈誰信知音少。

解語花

怨酒。影。危。冷。霜。華。深院重門悄。畫樓雲杪。誰家
笛。天微梅花新調。寒燈凝照。見錦帳雙鸞翔繞。當
此時。倚几沉吟。好景都成惱。曾過雲山。烟鳥對
繡襦甲帳。親逢一笑。人開年少。多情。惟恨相逢
不早。如今見了。却又惹許多愁。抱算此情。除是青
禽爲我殷勤報。

水龍吟二首次韻

南湖詩集

卷之一

七

禁烟時候。風和越羅初試。春衫薄。晝長深院。夢回
孤枕。風吹鈴索。綺陌花香。芳郊塵軟。正堪遊樂。倚
闌干。瘦損無人問。重重綠樹。圍朱閣。對鏡時時
淚落。總無心。淡粧濃抹。晨窓夜帳。幾番誤喜。燈花
驚鵲。月下。瓊花前。金盞與誰斟。酌望王孫。甚日
歸來。除是車輪生角。

二

瑣窓睡起。門重閉。無奈楊花輕薄。水沉煙冷。琵琶
塵掩。懶親絃索。檀板歌驚。霓裳舞燕。當年娛樂。望
天涯。萬疊關山。煙草連天。遠凭高閣。閒把菱花

自照。笑春山爲誰塗抹。幾時待得。信傳青鳥。橋通
烏鵲。夢後餘情。愁憑。剩思引。玉孤酌。正黯黯對景
銷魂。牆外一聲鶯角。

沁園春

錦里繁華。峨眉佳麗。遠客初來。憶那處。園林舊家
桃李。知他別後。幾度花開。月下金壘。花間玉珮。都
化相思一寸灰。愁絕處。又香銷寶鴨。燈暈蘭煤。
東風杜宇聲哀。萬里何由便得回。但日日登高。
眼穿劍閣。時時懷古。淚灑琴臺。尺素書沉。偷香人
遠。驛使何時爲寄梅。對落日。因凝思。此意立遍蒼

南湖詩集

卷之一

六

風流子

新陽上簾幌。東風轉。又是一年華。正駝褐寒侵。燕
釵春鼻。句翻詞客。簪闔官娃。堪娛處。林鶯啼暖。柳
鶯啼晴。沙繡閣輕烟。剪燈時候。青旗殘雪。賣酒
人家。此時因重省。瑤臺畔。曾遇翠蓋香車。惆悵
塵綠猶在。密約還賒。念鱗鴻不見。誰傳芳信。滿湘
人。遠空採蘋花。無奈疎梅風。景淡草天涯。

變體虞美人

陌頭柳色春將半。枝上鶯聲喚。客遊曉日綺羅稠。

紫陌東風絃管咽朱樓少年撫景漸虛過終日
看花坐獨愁不見王人留洞府空教燕子占風流
正德元年至十六年

五言絕句

秋夜

小院閉秋光疎簾風露涼夜深銀燭暗蟋蟀滿中
堂

湖上二首

欲理木蘭舟且艤垂楊樹沙嘴兩鴛鴦飛入前湖
霧

南湖詩集

卷之一

十九

二

涼風吹羅衣自唱採菱曲日暮不見人秋蘋滿湖
綠

柳枝二首

柳枝復柳枝翠色何濯濯記逢寒食時一枝垂髮
脚

二

湖上綠煙濃荏苒春將半日暮送行人腸與柔條
斷

宮詞

留意托芙蓉清香待曉風紅衣秋欲老泣露月明
中

七言絕句

閨情

玉堦草色上羅衣枝上梨花落漸稀芳菲時節門
常掩燕子成巢人未歸

春寒

東風向曉鳴簷鐸惻惻春寒掩朱閣雲髮垂垂倦
不梳開窓忽見桃花落

效李長吉體

南湖詩集

卷之一

二十

下香枝上輕雷響南塘水碧蒲芽長春風滿地吹
花飛小翠開簾燕子歸

採蓮詞

爭棹蘭舟逐鳴兒綠荷翻水濕羅衣湖頭日落秋
風急自唱蓮歌逆浪歸

楊柳枝三首

翠眉欲展怯春寒日向樓頭幾度看今日南溪橋
上過低枝拂著赤闌干

陌上津頭萬縷金一春微雨一春晴
風力繫住春來蕩子心

湖上春深柳線齊。半拖煙水半垂堤。黃鶯可是綠
何事。苦向深叢恰恰啼。

芙蓉翠竹

羅衣裊裊珮珊珊。已覺芳情耐歲寒。日暮無人正
愁絕。美人何處倚闌干。

春寒

樓外輕雷落萬絲。春寒迤邐鎖重帷。桃花未吐楊
枝短。枉却東風一半吹。

七夕三首

梧桐院畔小樓前。坐感良宵思惘然。人世悲歡知

南湖詩集

卷之一

三

幾變金風玉露自年年。

涼風細細露華清。此夕何人不感情。玉漏暗催龍

馭轉。銀河猶傍鵲橋明。

有情莫恨論心少。得會何妨見面遲。天上未除恩

怨事。爭教人世不相思。

暮春

寂寂深閨懶繡裁。一春數遍百花开。含情獨凭欄

干立。幾陣驚風翠雨來。

寄舊游

秋日南湖風景清。舊游回首不勝情。

多病倦倚闌干聽嘒鶯。

大雪漫興四首

寂寞溪門客不來。撩人風雪喚甌杯。但得青銅錢

不乏。何須美酒要人陪。

漫天漫地白皚皚。何物寧馨化得來。便敲西舍看

脩竹。更過東橋探老梅。

飛來天上千群鶴。落浦門前綠水洲。此物由來助

詩興。急須借馬到西樓。

西隣老宿灝秋江。見客時時倒酒缸。何當此際携

壺去。與爾酣歌松下窓。

南湖詩集

卷之一

三

題畫

漁人撒網

西湖秋水碧於王。秋風吹動波連漪。吟詩載酒他

年興。會見漁郎撒網時。

題扇

蕪葭淅淅晚風微。倚楫船頭看鴈飛。莞爾無人知

此趣。青山峰外片雲歸。

許氏菊花

頽開茆屋多幽趣。落日西風又過橋。浦逕黃花古

城下。荻蘆楊柳共蕭蕭。

經友人墓